

**AIN NÜTZLICHE
SERMON ZU ALLEN
CRISTE[N]
MENSCHEN, VON
DER RECHTE...**

Johann Diepold



Hom. 1901. LXII. 28. Lingult.

[Angeln 4. Stain]

Almütsliche Sermon zu allen Eistē mensche von der rechte

Euangelische mess/vn von der beraytung
zu dem Tisch gottes von dem trost
der sterbenden menschen vnd
danck sagung für dz blut
Jhesu Christi.

Von Johanne Diepolt.
zu Vlm.

Anno domini.
M. D. XXij.

BIBLIOTHECA
REGIA
MONACENSIS



Wz testa
ment sey

Der glau
be macht
kinder vñ
erbē gotes

Ad hebre.
9.

Unser Herr Jesus Christus hat die Ewangelisch:
meß selb auff gesetzt vnd gemachte Welche ist dz
testament wort zū sagūg vñ verhayßung Cristli
da er vns sein liebe/gnad vnd barmhertzigkayt/ die er gegñ
vns gehöbt hat/ auch die verzeyhung vnsern sünden/ vñ die
ewige seligkayt/ versprochen vñ zūgesagt hat da er sagt.
Nemen hin vñ essent dz ist mein leyß/ der für euch überge
ben wirt Mat. am. 26. Mar. 14. vnd Luce am 22. vñnd
nachvolgens spricht er weytter/ Nemen hin vñ trinckent
alle sampt/ Diß ist der Kelch des neuen vnderwigen testa
ments in meynem blüt/ dz für euch vñ vil vergossen wirt.
Mat. am. 26. Mar. am 14. Luce am 22. Zū verggebung d
sünd. Mat. 26. Ain testament ist ain verhayßung vñnd
ausmachung eelicher gieter vnd ding/ die das erb oder ver
schafft ding seynt/ vñ eynsetzung der erben Also hie merck
vier ding/ dz erst ist Christus der herr der auß liebe vñgnad
vns außgemacht vnd verschaffen hat sein flaysch vñ blüt
So er spricht Nemen hñ essen/ vñ trinckent/ des and sein
gnad vnd barmhertzigkayt die er vns verhayssen hat/ so er
spricht/ zū verzeyhung d sünd. die ist vnser außgemacht vñ
verschaffterb/ dz diß ist die eynsetzung der erben so er spricht
für euch vnd vil/ also seyen wir chriſten mensche son od kin
der vnd erben der sälligkayt durch den glauben welcher vns
kinder gotes macht Johā. 1. Er hat in gewalt geben kin
der gots zū werden denen/ die glauben in seinem namen/ vñ
Paulus zaygt an das der glaub macht kinder vñ erbē gots
In der epistel zū den Römern am 4. vnd am 8. cap. vnd in
der epistel zū den Galatern am 3. vnd am 4. cap. Dz viert
ist verhayßung seines todes. Mein leyß wirt übergeben
werden/ mein blüt wirt vergossen werde/ vñ mit dēzaychē
vnd Sacrament seines flaysch vnd blüts hat Christus sein
testament bestetiget vñ bevestiget/ vñnd ist vñndem Tisch
auff gestanden ist an sein leyden gangen ist gestorben/ vnd
hat durch sein tod/ sein testamēt krefftig gemacht vñ also
hat vns der herr/ mit dem Sacrament seines leybs vñ blüts

gewiß vnd sicher gemacht / seiner gnad vñ barmhertzigt aie
vergebung vnser sünden vñ der sältigt ayt. Darvñd weñ
der priester die worte Christi dz seind dz testamēt gesprochē
hat / hebe er dz Sacramēt auff / als wölē er gegē dem volck
sagen. Wir lieben Christen sehent an das zaychen / die bes
stetigung die sicherhayt / dz pfandē / die buieß vñnd sygell
ewers testaments / das ist der gnad vñnd barmhertzigt ayt
gots vñnd des ewigen hayls. Das sey von der rechte Euā
gelische theß die dann ist das testament vnd Sacrament /
die Christus vnser mayster eyngeßet vñnd gemacht hatt /
ain wenig gesagt.

Von dem glauben / dises testaments
vñnd Sacraments.

¶ Ain güter Christlicher mensch / sol den glauben / der ver
hayßung Christi vñnd des Sacraments haben durch wel
chen glauben er würdig vñnd geschickē wirt zū anpfahē das
Sacrament vñ nit durch beydt / vil bet / oß ander übung.
Weñ der mensch glaube der zū sagtig vñnd dem wort Cristi
mein blut wirt vergossen zū verggebung der sünd Mat. am.
26. Komē her zū mir alle die ir arbayten vñnd beschwerde
seind / vñnd ich wird euch ergezen Mat. 11. Wann der
glaub macht rein / lautter / würdig / vñnd geschickē / zū dem
tisch gotes Petrus spricht Act. am 15. Er rayniget ire
herzen durch den glauben So der mensch glaube dem wort
gotes er glaube in die barmhertzigt ayt vñnd lieb Jesu Cristi
yezt kompt die rewe vñnd der mißsal über die sünd / das er ge
denckē hat vñnd got so lieb gehebt / das er seinen Son in die
welt geschickē hat / der für vñnd geliten hat / ist gestorbē auff
erst anden / gen hymell gefaren / schlecht er inn sich selbs / er
kent sich ain sündler begert gnad vñnd barmhertzigt ayt vñnd
spricht mit dem oßen sündler / got biß gnedig mir sündler Lu
ce. am 18. Selig send die dürstig seind vñnd hungerig nach
gerechtigk ayt / wan sy werden ersettiget Mat. am 5. vñnd
die Juncfraw Maria. Er hat die hungerigen / erfült mit
güten dingen / vñnd die reychen hatt er eyttel gelassen Luce.

am 1. vñd David am 26. psalm. Er hat erfüllet die hing-
 erige seel mit gütten dingen wölcher aber dise gütter seyen
 sagt Paulus in der Epistel zu den Galat. am 5. Die früchte
 des gaites sind lieb/frewd/frid/gedultigkeit/gyetigkeit
 miltigkeit/senssmütigkeit/der glaub/langmütigkeit 2c.
 Wan der mensch gedencet also seine sünd/Vñ begert gnad
 soll er zu Christum Ihesum flyechen/geen vñ kōmen. Wan
 er ist vnser seligmacher allain ist der mensch in die sünd ge-
 fallen vñd ist tod/muß er durch Christum von den sündenn
 auffstecken/gerayniget vñd lebendig werden. Wan er ist die
 wistend vñ daz leben. Ioan. am. 11. Johānes d̄ trāuffer sach
 Ihesum zu im kōmen/vñ sprach. Nement war. der ist das
 Leimindas da hyn nympet/die sünd der welt Io. am ersten
 Wan der sun des menschen ist kōmen zūsuchen vñd selig zū
 machen den sündner. Luce. am 19. vñd hat Christus Iesus
 seyn barmhertigkeit anzeigt. In dreien parabeln als wir
 lesen Luce am 15. Darumb wan er glaubt vestlich
 an die zūsagung Christi/vñ erkent sich ain sündner/vñd be-
 gert gnad/vñ empfindet d̄ er eytel vñd leret der gaitliche
 gütter/so gang er sicher hū zu dem tysch gottes wan ym
 Sacrament findet er die gaitliche gyetter alle. Es gescheh
 dir wie du glaubt hast sprach Ihesus Matheij. am 8. Es
 mag auch der mensch also alle tag d̄ Sacrament gaitlich
 empfangen durch den glauben. Wan die gaitlich empfang-
 ung mit dem glauben der zūsagung Christi ist nutz/vñd die
 leyblich empfangung des Sacraments son den glauben ist
 nit nutz ist nun ain erdicht ding/vñd gespōt.
 Gloria est Wöllicher in mich glaubt hat das ewig leben. Johan-
 nes am 6. Wan das ewig leben ist die vollkōmengenad/
 summata Paulus am 6. Zū den Rōmern. Es ist der glaub ain gab
 gottes darumb sol der mensch mit den Apostelen bitten vñd
 ist zūbegen. Oher mer vñd den glauben. Luce am 17. Oher
 ren vom hilff meinen vñ glauben. Marcum. am 9. Oher Ihe-
 su Christe du hast mir dein barmhertigkeit verhaissen sich
 anmeyn dürfftigkeit. Ich bin ain armer ellender sündner

O vos sa-
 cerdotes
 missales
 notate.
 Gloria est
 gratia cō-
 summata
 Der glab
 ist zūbegen
 ren vom
 got.

und kan nichts gutes thon / von mir selb / on dein hilff vnd
 gnad / ich bit dich / zünd an in mir die begird deiner gnad / vñ
 gib mir den glauben deyner zu sagung das ich dich nit mer
 durch mein sünd vñ vnglauben erzürn / Mach du mich wie
 dig vñ geschickte zu empfangen dein Sacrament. Wann
 ich byn krank ich bin ain sündler / So bist du mein arzt vñ
 seligmacher / Ich wil dein sacrament empfangen mit glau-
 ben vñ hoffnung zu erlangen deyn barmhertzigkeit / Vñnd
 vergebung meynen sünd / vñnd yez ist der mensch durch den
 glauben wirdig / zu dem Sacrament / vñnd ist frölich vñnd
 ewig in der gewisse vñnd sicher vñnd gewiß der gnad gotes vñ
 der seligkeit / vñnd fürcht weder sünd / noch tod / noch hell /
 noch teuffel / wann Christus hat dise ding alle vberwunden /
 vñnd durch in hat vns gott die vberwindung gegeben / als
 Paulus sagt. 1. Cor. am 15. Nun so der glaub / die reu vñnd
 layd der sünd die hoffnung / gab gotes seind / vñnd der mensch
 wirt durch dise gab gotes geschickte vñnd wirdig / so volget
 darauff dz der mensch durch got / vñnd nit durch in selb / noch
 durch sein beichte noch durch vil bet / oder durch and yebung
 noch durch mülich vñnd pfaffen geschickte vñnd wirdig wirt /
 Darumb sol er bitten vñnd sprechen. O heri gib mir den glau-
 ben erkentnis reu vñnd layd meiner sünd / mach du mich wir-
 dig vñnd dir angenam / wann du bist für vns worden / die gerecht-
 eigkeit die heylmachung / vñnd erlösung / durch dich müssen
 wir gerecht hailig vñnd erlöset werden vñnd wie der glaub ist
 von got also die geschicklichkeit ist allain von got Christus
 spricht Es mag nyemā zu mir komē / es zuech in den mein
 vatter. Johan. 6. (verstand durch den glauben.)

Der glaß
 reiu / vñ
 hoffnung
 sind gab
 gotes.

1. Ad Cor
 rinth. 1.
 Die schick-
 ung vñ Be-
 raytung
 ist allayn
 von got.

Also sollen die prediger den glauben leren / durch den
 wir gerecht / reu g vñ frölich werden / in vñser ge-
 wyffe. Paulus in der Epistel zu den Römern. Am
 fünften. So wir gerechueretiget seyen auß dem glauben
 haben wir freyd zu got / durch vnsern herren Ihesum Christū
 durch den wir ain zu gang haben / Durch den glauben zu

biser gnad in der wir standen vñ fröwen vns in der hoffnig
der glor der kinder gottes.

Etelich Es habent aber vil prediger vñ beydteueter gelert vñ
prediger gesagt. Es muß der mensch alle seine todesünd / aine nach
vñ beydte der andern berewen vnd beychten / vñ muß sich durch vil
väter ma yebung zu dem Sacrament berayten / vñ haben die leut er
chēt enge schrecke so chetsam / vnübig / vñwillig / verzagt / vñ schyer
gewysen. verzweyffelt gemacht / vnd haben die leut gefürcht sy künde

nit würdig zum Sacrament werden / das alles auß hoffart
oder auß geiz vñ habent alweg Paulum auf die ban bracht
der also spricht in der Epistel zu Corintern am. 11. Es sol
sich der mensch berewen vnd frum machen vnd sol dan von
dysen brot essen. Der hailig Paulus hat vns wollen zu ay
nem schweren vnd vnmöglichen ding verbyndenn. Er hett
sunst auch den frummen menschen dz Sacrament verbottē
Seyen ye wir all sündler / vnd müssen durch den glauben ge
rechtuertiget werdē / als Paulus sagt in der epistel zu Ro.
am. 3. vñ in Epistlen zu den Gala. am. 2. vñ 3. Capittel.

Nun muß ye ainer gewis vñ todesünden sein / wil er an
ders dz Sacramēt in nit zu dem vitail nemē. aber es ist nite
möglich das ainer auß im selb / vnd auß seinen krefftē / des
gewis werd. Dauid sprich am. 18. psalm. Wer er kent dye
sünden. Oher raynige du mich von meynen verborren sün
den vñ Ire. am 1. des hertz des menschen ist bößhafftig
vñ mer ferlich / wer wirt es erkennē. Ich bin der heri erken
net die hertze vñ psal. 7. O got du erkennst dienyeren vñ her
gendarüb so wirt der mensch gewis durch den glaubn des
worts Cristi es ist auch ain bmesenhait wann ainer nit wil
zu dem Sacramēt geen / er sey dan vorhin geschickt vñ wie
dig / wann die art des sacrament isst / dz es ist ain ärzney der
sünd vñ hat es Christ zu vgebung der sünde eingesetzt / wann
en mit for nun ainer vorhin würdig vnd gesund ist / so bedarff er dz Sa
che der vñ crament nit / Christ sprichet / darzet ist nit not dē / gesunden
wirdkeit sonder den krancken. Darumb wann der mensch kranck ist /
vñ erkent sein sünd / So muß er gesund vñ geschickt wer

Man sol
des sacra
ment nem
en mit for
che der vñ
wirdkeit

den durch Chriſtū Jeſum. vñ dꝛ durch den glaube des wort
 gotes Aber die gleyſner vnd gleyſſenthailigen. wöllent ge
 recht vnd würdig zu got kom̃en. vnd wöllent im wie Luci
 ſer gleich ſein. ſo ſy ſoltē zu got geen. dꝛ ſy wölten gerecht
 vnd würdig von im werden Daruñ ſol man die wort Pan.
 recht verſtan. Pauluſ hatt geredt wider die. die Chriſtum
 taylen wolten in mancherlay ſecten. / Etlich ſagten ich bin
 Pauli. etlich ich bin Appollo. etlich ich bin Cephe. Etlich
 ich bin ain Chriſt. 1. Ad Cor. 1. Vñnd vñtaylor vñnd ver
 achtendē ain ander. vñd gyengē zu dem Sacramēt wölche
 Pauluſ ſtraffe vñd ſagte ſy nemen dꝛ Sacramēt vnwürdig
 Etlich zu dem vñtail. vñnd hat ſy vñder ryche vñd gelert. dꝛ
 ſy ſich ſelbſt. vñ nit die andern ſolten verdam̃en vñ vñtailen
 vñ ſolten ains ſein vñ nit zwoyträchtig. wañ die zwoytrecht
 igit ait macht ſy vnwürdig. Daruñ ſprach er der menſch
 ſol ſich vñtailen vñd erkennen als ainen ſünder vñd ſol dañ
 vñ dem brot eſſen. vñ alſo iſt die recht bewerung. wañ ſich
 der menſch erkent ain ſünder. vñ iye mer ſich ainer erkent vn
 geſchickt vñnd vnwürdig. Je geſchickter vñnd würdiger er
 iſt. vñd alſo iſt das der verſtand vñd ſyn der wort Pauli. dꝛ
 ſich ainer ſelb vñtail vñd nit die andern. vñd ſo er in im ſindt
 ſünd vñd laſter. das er beger gnad. vñ mit gñtzer zu vñſicht
 gang zu dem tiſch gottes. vñd zweyffel nit. Sonder reſtig
 Etlich glaub. dꝛ er erlang. Barmhertzigkait. vñ verzeychung
 vñ ſünd. Es möcht aber ainer ſpeche. Ich hör wol es mag
 ain vñgeſchickter vnwürdiger das Sacramēt empfahē dꝛ
 hayſſet die leichuertigkait gelert. Ich antwort alſo vñd
 merck mich eben. Ain yedlicher ſünder er ſey haynlich oder
 offenlich. ſo er nit glaube der verhaiſſung gotes. vñ hat nitt
 rew vber ſein ſünd. er wil ſich auch nit böſſeren. ſol nit zum
 Sacramēt geen. Pauluſ ſpricht 1. Ad Cor. 11. Wer
 vnwürdig nympt dꝛ Sacramēt. der yſſet im das vñtail dꝛ
 er thut ain todſünd vñd er nympt im dꝛ Sacramēt zu der
 verdammis. Weytter ſag ich. ain yedlicher offenlicher
 ſünder der ſein ſünd erkent. vñd hat rew vber ſy. vñ begeret

ypocrite
 et iuſti
 arj ſiden
 tes ſuis
 meritis.

Der war
 verſtand
 der wort
 Pauli,

instantia
 quorūdam
 Sophiſta
 rum.

Reſpon
 ſio per tri
 a dicta va
 et catholi
 ca.

Die gñſt

lich mief- gnad/ der empfacht das Sacrament gayßlich als oft er
sung ist will/ als wenn einer im bann ist/ oder sonst in offen sünden/
nuz aber In ainem offentlich stand/ wenn er hat rew vñnd layd über
die leybli- sein sünd/ der empfacht dz sacrament gayßlich/ vñ sol sich
ch on gay mit künern lassen/ das er das sacrament nit leyblich emp-
stlich ist fache/ vñd wann er schon on das Sacrament müßt sterben
schad.

Aleingot
verzeicht
die sünd.

soll er durch den glauben/ sicher sein der seligk ayt. Weyter
sag ich. ain yeetlicher haynlicher sünd. d̄ sein sünd erkent
hat rew darüber. vñd erkent sich vnwirdig vñ vngeschickt
vñd glaube in die verhayßung d̄ gnad vñ barmhertzigk ayt
Christi/ der gang frölich zu dem Tisch gottes/ wann er ist
schö wirdig vñ geschickt yetzt nit durch in selbs. sond durch
den glauben/ vñd empfacht merung der gnad/ von got. der
dan allain sünd verzeicht vñ kein mēsch/ als er selb spriche
Esay. am 43. Ich bin der selb/ der dē deine sünd vertilget
Das sey gesagt von der beraytung zu dem sacrament gaist-
liche oder leybliche/ das der mensch gayßlich all tag mag
empfangen das sacrament/ vñd leyblich mit vertrauen der
wort Christi/ so er begert der gnad gotes/ vñ glaubt in die
werck Christi/ als seind sein leyden/ sterbē/ auferstentnuß
vñd himelfart/ dz Christus die alle gewirckt vñ volbracht
hat/ im zu güt vñ also wirt er in seiner gewiserewig durch
den glauben/ vñd rew der sünd/ also haben wir ain exempell
in Maria Magda. die glaube hat in die barmhertzigk ayt
Christi/ Jesu/ er kunde vñ macht ir helffen/ vñ hat ir sünd
erkent/ rew vñ layd darüber gehebt/ vñ hat ir Christus ir

Christus
ain brunn
der gnad
vñ barm-
hertzigk ayt

sünden vergeben Luce. am. 7. Also thon du auch/ glaub in
den barmhertzigen Ihesum erkenn dein sünd/ laß dirß layd
sein/ gang wie Maria magdalene than hat allain zu Cri-
sto dem herrē/ so wirt dir geholfen Er spricht selb welcher
dürstig ist der kum zu mir vñ trinck/ Johannis am. 7.

Von der aygne beraytung vñ schickung zu dem sacrament
kan mir keiner nun ain wort in der hayligen geschriffte an-
zaygen.

¶ Von der tröstung der ster-
benden menschen.

Oder mensch krank ligt sol vñ mißsetzt sterbe
kumpt der teuffel mit seiner ansehung / sieht in
an yetz mit den vergangen sünden. Er nitig
nit selig werden / er hab nichts güttschau / vñ yetz vernitig
er das ewig leben nit verdienen / dz er wan der krank mens
sch mit der sprach herauß setz / vñ sprichet. O solt ich noch
ain monat leben / ich wölt den hymel verdienen.

Wie also lieber mensch / wenn dich d teuffel also an sieht biß
nit klainmütig / erschrick nit / fürchte dir nit / z zweyffel nit
sprich nit / solt ich lenger leben / ich wölt die seligt ayt ver
dienen wan der mensch lebte biß an d jüngste tag so möcht
er das ewig leben nit verdienen Christus nit auß d werck n
der gerechtigt ayt die wir gethon haben / sonder nach seiner
barmherzig ayt / hat er vns selig gemacht / sagt Paulus zu
Timo am 3. vñ in der ersten epistel zu Timotheo am ersten
capitel. Christus Ihesus ist indise welt kumen die sünd
selig zu machen Jetzt hast du das Christus vns hat selig ge
macht auß barmherzig ayt / nit auß vnserm vdiens / sond
auß lauter gnad / Darumb lieber mensch setz dein hoffnung
allain in die gnad gotes vñ nit in lang leben / nit in deyne
werck / sonder allain in Christum Ihesum der ist d weg zu
der seligt ayt. Johan. am 14. Ich bin die thür / wer durch
mich wirt eyngoen / der wirt selig. Johann. am 10. David
am 5. psal. sprichet O herz alle die hoffnung / in dich setzen
werden sy fröwen / sych werden frolocken in ewig ayt / vñ
Paulus zu den Römern. am 8. Wir seynt durch die hoff
nung selig worden / vñ also durch die hoffnung überwindest
du den teuffel / sprich also zu im. Ich wayß wol / dz ich die
seligt ayt nit verdienen kan Christus mein sälligmacher hat
mirs verdient / vñ wan ich schon lang lebe / vñ vil gütts
thet dennocht möcht ich durch meine güte werck nit selig
werden sonder allain durch die hoffnung d barmherzig ayt.
meines gotes / in den setz ich mein hoffnung allain / vñ also
wirfst du in deiner gewiss frolich / ewig / vñ gewiß d selig
ait / vñ darffst weder sünd noch tod / noch hel / noch teufel

Die aller
best tröst
ig d ster
benden.

sel fürchten. Es kommen auch etwan zu den sterbenden men-
 schen. münich/pfaffen/vnd nunnen/vnd sprechen. Lyeber
 Biß gedultig. gedenc̃ an dein vnganges leben/an deine sündē
 an den strengen richter/an das vrtail gotes/an die hell/an
 den tod/vnd streyt ritterlich dumagst yetz dz ewig lebē ver-
 dienen/vñ so der mensch an dise ding gedenc̃t/so erschryc̃t
 er/fürcht im/wirt klaynmütig/vnnd verzweyffelt etwan
 Wir münich/Pfaffen/vnd Nunnen/wie künden ir so woll
 die sterbenden menschē trösten/Ir machent sy forchtsam/
 vñ zweyffelhefftig/vnd ganz vnruwig/Ir söllent die ster-
 benden menschen also trösten/vnd zu in sprechen Lyeber sun-
 nige vnd liebe tochter lieber brüd/liebe Schwester/liebs kind mein ic.
 nöttige/ vnser her: Jesus Christus hat vns ain Testament gemache
 tröstung vnd auffgeryht in dem er vns sein flaisch vñ blüt/vnd ver-
 der sterbē gebung der sünd/verhayssen vnd zu gesagt/ausstruck̃t/vnd
 verschafft hat/vñ hat dz Testament/durch dz Sacramēt
 seyns flaisch vnd blües bestättiget vnd beuestiget/als mitt
 brieff vnd sigel/vnnd durch sein tod hatt er seyn Testament
 krefteig gemacht vñ hat vns versichert/vñ gewiß gemache
 seyns gnad/vnd des ewigen lebens/Darum̃ glaub̃ vestig
 klich an sein zhsagung/gedenc̃ an sein liebe/an sein gnad
 vñ barmhertzigkeit die er vns verhayssen hat vnd gedenc̃
 nit an deine sünd/an tod/an die hell/an teufel/an dz hört vñ
 schwer vrtail gots/sonder glaub̃ allain in Christum Jesum
 vnd weñ der sterbent mensch dise trostliche zhsagung Chri-
 sti höret/so wirt seiner gewisse frölich/reuwig/wirt wil-
 lig vnd gedultig/on alle forcht/Vnd vberwyndt durch den
 glaub̃ den teufel als Petrus sagt 1. Pe 5. Ir söllēt wider
 wider sacher/widerstan in dem glaub̃n. Es mache got vns
 auß lauter gnad/durch den glauben selig. Paul⁹ in der epi-
 stel zu der Ephesiern/am andern Capitel. Ir seynd auß
 gnad selig worden durch den glauben/vñ nit auß euch selb.

¶ Von danck sagung für das
 blüt Ihesu Christi.

Wan du bist in der kirchen/oder in deinem hause Alle tag
 vnd gedenckest wol an das blut Ihesu Christi mag ain
 ist mir durch menschlich sagung entzogen worden/ er dz blut
 so laß dich das nit kümmern vnd sprich also. O Heri Ihesu Christi
 Christe du hast vns mit deinem kostbarlichen blut von vn- gaystlich
 sern sünden gerayniget vñ gewaschen/ du hast vns deinem nemen.
 hymelischen vater versönet/ hast vns geadelet vñ gemacht Christus
 dz aufferwelt volck/ darumb sag ich dir lob vnd danck vñ hat vns
 sonderlich vmb das blut deiner fünff wunden für das blut in ain brü-
 deiner seyten sag ich dir lob vnd danck/ vñ bit dich gib mir verschafe
 den rechten glauben/ starcke hoffnung/ vñ volkomme lieb/ mitt seine
 für das blut der lincken hand/ sag ich dir des geleychen vñ blut einge-
 beger/ das du alle meine sünden hin nimest/ wan du bist dz schuiben
 vnbesleckt lemlin/ das hin nempt die sünd d welt/ für das
 blut deiner rechten hand/ thon ich des gleychen/ vñ bit dich
 gib mir gnad krafft vnd macht/ gute werck zu thon in alle
 meinem leben/ das ich halt deine gebott/ wan on dein hilff
 kan ich deine gebot nit halten/ vnd das ich leb nach deinem
 Euangelij. Für dz blut deines lincken süß sag ich dir lob
 vnd danck/ vnd beger/ dz du von mir nimest/ alle böse/ vn-
 zynliche vnraine/ vnd flayschliche begirde. Für das blut
 deines rechten süß/ danck ich dir/ vñnd bit dich/ verleych
 mir nach deinem willen zu leben/ gib mir ain guten willen
 vnd ain gutte mainung/ vñ mach dir meine gedänck wort
 vnd werck an genem/ das ich enelich seligklich in dir sterb.
 Dir sey lob vnd eer mit dem vater/ vñdem hayligen gayst
 in ewigkayt. Amen.

Sanguis Ihesu Christi filij eius
 mundat nos ab omni peccato.

1. Joha. 1.

Handwritten text in a cursive script, likely a letter or a page from a manuscript. The text is arranged in approximately 20 lines, though many are illegible due to fading and the angle of the page. The ink is dark, and the paper shows signs of age and wear.

Handwritten text at the bottom of the page, possibly a signature or a date. It appears to be written in a similar cursive script to the main body of text.



